

【玄天上帝金科玉律真經】

香讚

蓬濃朝爽 參禮諸天 玉清初日 鏡光圓曉

氣藹祥煙 秘典心宣 入道冀成仙

高功持簡拈香三炷 行三方簡禮畢 奉香

祝香神咒

道由心學 心假香傳 香爇玉爐 心存帝前

真靈下盼 仙佩臨軒 令臣關告 逕達三天 急急如律令

高功施（雙道指）口念咒語

咒語：此香逕達 三界或（某某）神祇 仗此真香 普同供養

## 淨心神咒

太上台星 應變無停 驅邪縛魅 保命護身  
智慧明淨 心神安寧 三魂永久 魄無喪傾 急急如律令

高功施（法主旨）口念咒語

咒語：人心萬物靈 靈為萬物遷 遷善改諸惡 惡念化為煙

## 淨口神咒

丹朱口神 吐穢除氛 舌神正倫 通命養神

羅千齒神 卻邪衛真 喉神虎賁 氣神引津

心神丹元 令我通真 思神鍊液 道炁常存 急急如律令

高功施（法主旨）口念咒語

咒語：人言從口出 出納必提防 隄防無妄吐 吐穢誦經章

## 淨身神咒

靈寶天尊 安慰身形 弟子魂魄 五臟玄冥

青龍白虎 隊仗紛紜 朱雀玄武 待衛我身 急急如律令

高功施（法主旨）口念咒語

咒語：人身在紅塵 紅塵濁氣薰 氣薰須沐浴 沐浴對高真

念淨壇神咒時 高功左手三清指 右手劍指持（已行持之淨水）灑案（壇）

## 淨壇神咒

太上說法時 金鐘響玉音 百穢藏九地 群魔護騫林  
天花散法雨 法鼓振迷沈 諸天賡善哉 金童撫搖琴  
願傾八霞光 照依皈依心 蚤法大法稿 翼侍五雲深  
急急如律令

奉請玄帝時 高功行跪座禮捧交叉簡

經師起天尊韻

## 奉請

北極康大元帥 顯赫天尊

北極趙大元帥 萬靈天尊

北極玄天上帝 金闕化身 蕩魔大天尊

表白提綱

聖神仙真在天台 大發慈悲降下來

提科接

眾等志心虔拜請 特來賜福與消災

三法師至主爐請香三炷 畢 歸班（接寶誥道氣）

玄天上帝寶誥

混元六天 傳法教主 修真悟道 濟度群迷

普為眾生 消除災障 八十二化 三教祖師

大慈大悲 救苦救難

三元都總管 九天遊奕使 左天罡北極 右垣大將軍

鎮天助順 真武靈應 福德衍慶 仁慈正烈

協運真君 治世福神 玉虛師相 玄天上帝

金闕化身 蕩魔天尊

一、三法師將香三炷回奉至主爐 畢歸班

二、高功躬身施（雙道指）劃盃接道氣畢

三、高功左手掐（玉文）右手持令於真經上書（道氣長存畢書玄帝諱）

提科恭宣開經讚

## 開經讚

玉虛師相 道冠諸尊 無邊法力鎮乾坤

寶劍伏魔群 黎庶霑恩 慈光照眾門

皈命 玉虛師相 玄天上帝 蕩魔大天尊

三法師舉天尊 畢 行搖擺禮 畢

表白念

# 至心皈命禮

道眾課誦

帝號治世福神 鎮北天大將軍 遊巡諸天諸地

掌握世界乾坤 扶助末劫大道 護佑明主賢臣

不忍五濁惡世 眾生受苦遭辛 旱澇饑饉疾疫

水火劫盜刀兵 天下江南江北 朝病暮死七分

帝向三元八節 三會五臘生辰 斗降七齋三七

本命甲子庚申 臘月二十五日 親隨玉帝降臨



統率千真萬聖 檢察下界人民 紀錄作善作惡  
較量罪惡重輕 輕則罪赦一半 重則死絕滅門  
善者得見天日 惡者不見太平 信者得度末劫  
不信喪命亡魂 檢舉不忠不孝 抄錄無義無仁  
貧不安分守己 富不念老憐貧 輕重長短秤尺  
大小斛石斗升 買賣欺瞞良善 交關舉用不平  
使盡機關詭計 惡心害眾欺群 兩舌惡口鬥亂  
教唆州縣鄉黨 恣意慳貪嫉妒 是非人我爭嗔

不識善惡因果 不畏天地神明 強凶不得老死  
結冤促壽除齡 故遣天將抄錄 疥癬痲痘瘟疫  
肚病赤眼瀉痢 惡瘡膿血淋漓 咽喉急風諸毒  
寒熱咳嗽呻吟 打算未盡劫數 十磨九難不輕  
天遣帝王治世 滅除惡黨紛紛 似帝當初學道  
直磨鐵杵成針 治盡不平等輩 方使大地成金  
諭勸世人敬信 聽帝旨說叮嚀 不可聽聞藐藐  
各依戒律諄諄 漸見太平年到 上元甲子當旬

自此風調雨順 田蠶五穀豐登 天下安居樂業  
人民歌吟懽忻 到此人身難得 各宜修省思尋  
更有泰山東嶽 速報立報司存 莫道造惡不報  
直待惡貫滿盈 莫道修善無應 直待善果圓成  
若有人間私語 天上聽若雷霆 不可欺心暗室  
神目如電光熒 陰陽誤送人命 觸犯地曜天星  
醫藥誤傷人命 方脈指下不明 僧道師人積罪  
貪求施利食葷 不誠誦經有罪 差訛字句不真

溺死兒女有罪 千生萬劫冤親 切戒殺食物命  
放火燒害山林 積累無邊罪孽 冤冤報屈難伸  
切莫貪一口腹 免墮萬劫沉淪 告示行法弟子  
天條不可不遵 愛惜一切字紙 付諸水火漂焚  
帝德好生惡殺 簿書日夜具呈 陽有陽間罪孽  
陰有陰司典刑 請看冥司錄載

剗板 高功恭宣太上感應篇

## 太上感應篇

表白：造作善善惡惡  
提科接：報應如影隨形

恭念十勸時 上行高功 下行道眾或是信士

一勸敬重天地 心香一炷晨昏

二勸孝養父母 堂前生道二尊

三勸皈依三寶 儒釋道教同倫

四勸修齋布施 報答四重深恩

五勸善男信女 持齋念道看經

六勸州縣官吏 治民如水之清

七勸救濟孤殍 不墜四生六道

八勸富家布施 架橋造路修因

九勸九流技藝 三六九字同倫

十勸廣行陰隲 福及子子孫孫

表白念

## 志心存行

道眾課誦

但存方寸心地 留與後代耕耘 所作總依本分

與人方便樸淳 若以遞相傳寫

吾帝當護汝於陰

家有一卷供養 全家老幼安寧 身有一卷佩帶

免遭一切災迤 若寫五卷奉勸 壽增半紀餘齡

若寫十卷奉勸 一紀壽算增新 印施百千萬卷

名同神聖真君 當境城隍福神 歡喜保舉奏聞

三界四府列祠 吾帝同保奏天庭 北府消除罪籍

南司註上生名 現存獲福無量 九玄七祖超昇

上號金科玉律 下曰勸世戒文 更有能行正直

不昧陰空鬼神 不以祭享加福 不以不祭生迤  
有福休誇俊麗 無福休怨鬼神 欲知前世因果  
今生受者之身 欲知後世因果 今生作者之心  
人能知時速改 切莫更待因循 上帝敕示戒語  
留傳往古來今

三法師繞案三圈畢

宣格言時 高功持香六炷 繞三界香 三炷奉於天公爐 三炷奉於宮廟內主爐  
表白恭宣

玄天上帝格言



矯妄求榮 名譽不揚 尅剝致富 子孫遺殃  
施恩佈德 福祿來祥 寡欲薄味 壽命彌長  
毋欺暗室 毋昧三光 正直無私 志心忠良  
天地介祉 神明併懺 超生度厄 必濟時康

完經讚

金科玉律經 啟發心田 祥光瑞氣降壇前  
滅罪與消愆 普濟人天 丹誠錫泰然

皈命 玉虛師相 玄天上帝 蕩魔大天尊 ○○○

回向偈

願以此真經 普及於一切  
我等與眾生 皆共成真道

三法師行 謝三台禮 畢 道眾圓禮歸班